



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Admittuntur in Societatem Angli. n. 5.

urn:nbn:de:hbz:466:1-38320

mine traducto, quâ acerbissimis quæstionibus supplicijsque aut arcere regno satagebant, aut perdere: sed creuit sub incide Societas, atque ab ipso duxit opes animumque ferro.

Ignatij prædictio. III. Neque id quod longo post tempore futurum erat viuentem latuit

*Ignatii m. Is enim cùm confuleretur aliquando à Prouinciali Romano admittendusne esset in societatem quidam Anglus, iussit admitti, fore enim ut olim in *Anglia* floreret æquè *Societas* atque in alia qualibet Prouincia. Et fani si diuinæ bonitati placuit Patriarchis illis antiquis ad èrumnaru solatium, venturæ sobolis fertilitatem, ijsdem in terris in quibus tum pereginabantur, præmonstrare; si *Ignatio*, cùm ex *Parisiensi* inopia *Antwerpianam* excurrisset, indicauit fore ut *Petrus Quadratus Methymnae* suæ Collegium Societatis postluminio conderet, quid mirerut, si ad leuamen inopie & laborum, à diuina mente anticipata notione intellexerit, hoc veluti altero in orbe sibi fuscitatum iri aliquando illustre semen, ibi orituras luminis sui stellas sine numero, vbi sub tetrico Schismate expisset nostescere, idque eo fortassis tempore diuinitus præuidisse, quo rerum ad vitam cum litterarum studio tolerandam necessiarum indigus, traecto Oceano penetravit Londinum subsidia egestatis ab Hispanis institoribus Christi nomine quæstiturus.*

Hæresis Societati infensa Ao. 1540. & 41. IV. Quantopere verò iam inde ab initio natæ firmataeque Societatis ei aduerata sit *Anglia*, etiam viuente *Henrico Rege* eius nominis Octavo, non erit difficile hinc æstimare, quod cùm adlaborante Roberto Primate Armaniano, viro doctrinæ pietatisque eximiæ, destinatus in *Hiberniam* fuisset auctoritate Pontificia, primùm *Ioannes Codurius* ex *Ignatij* decem Sociis vnuus, cique immatura morte prærepto substitutus *Alfonsus Salmeron*, in eam

Orlandi nus 1.3 n. 45. & 58. Insulam cum *Pascasio Broetto*, & *Francisco Zapata* penetrasset, nec *Pontificis consilia* in retinendis in oblequo *Romanæ sedis* populis executi, nec alia legati munera obire, nec commorari quidem, nisi mutatis saepè latebris, summoque tum suo tum hospitum suorum periculo, per Regiorum odia, Ministrorumque sagacitatem potuerit, nec per Angliam parare redditum, nec in *Scotia*, ob serpentem ex *Anglia* hærecopestem, utiliter operam ponere. Itaque velut Orci indignantis cœtu reiectus, in *Italiam* reuertitur, futurus documento *zgrius* aliquanto ab detortis in prava dogmata, ac malevolæ voluntatis obstinationem hominibus Christianis, quām ab *Ethnicis* ipsis atque nulla Religione exultis, Pontificios, id est, Dei oratores admitti; quando *Ethnici* ignorantia fere solâ, & auite superstitionis veneratione falluntur, hi nulli potius volunt, quām fallantur.

V. Cæterum *Ignatius* vbi luorum diligentia difficulter hisce ad leptentriō nem collabantibus regnis adferri medelam cerneret; quod supererat, id egit sedulò, vt ijsdem precum suarum Sociorūmque auxilio opitularetur, tempus operiens, quo Deus vberioris messis annos pararet, & colligen dæ messi operas idoneas seligeret. Ex legatione autem, quam diximus, *Salmeronis*

Societatis Iesu, Liber Primus.

11

meronis in Hyberniā, & Petri Ribadeneiræ commoratione in Anglia, cūm
Figeroa Oratore Regis Catholici sub initium Elizabethæ, intellectum
satis est quam exiguis in ea gente, ijsque circumstantiis fructus sperari
posset, nisi per eius idiomatis peritos, atque adeo per eiudem nationis homi-
nes, res Catholica plerumque administraretur. Itaque *Lainius*, cūm in de-
functi *Ignatij* locum adlectus Societatis claram teneret, videretque mortuā
Mariæ Reginā Catholicā, hæresi rursus per Angliam habenas laxari, non
modo benevolè aliquamdiu plures Anglos (magnum Gregorium imitatus)
in studiis aluit, quò certius de animi proposito, deqñē cætera aptitudine cog-
noiceretur, verū non paucos per Germaniam utramque atq. Italiam, Socie-
tatem petentes curavit admitti. Quantum verò id ex *Ignatij* sententia fieret,
(præter ea quæ diximus) ipsius *Ignatij* ad Cardinalem *Polum* (rem Catholi-
cam feliciter in Anglia procurantem) literæ perspicuum reddunt; quas ego
literas, quoniam & Sancti Patris ardens diuinæ gloriae studium, & in An-
glia reducione animum propensissimum ostendūt, pro ea quam debenuis
memoris animi significatione, integras hic si explicauero, gratam me lectori
rem facturum existimau. Sunt autem huiusmodi.

Gratia & Charitas Christi Domini nostri cum suis Sanctis donis & Cha-
rismatibus sit cum Reuerendissima dominatione vestra, Amen. Ex litteris Re-
uerendissimæ Dominationis vestræ, vndecimo Nouembris Bruxellis datis
(quo tempore iter parabat in Angliam) intellexi bonâ spem quam Dominus
Deus noster Reuerendissimæ Dominationi vestræ iam tum faciebat reducendi
cius Regni ad Sanctæ Ecclesiæ Catholicae unitatem. Atque non ita multo
post Cœnitate tota pererebuit spem istam in rem conuerlam esse, tam breui
temporis morâ, ut manifestum profecto omnibus esse debeat, illius fuisse id
omne opus, qui sine tempore perficit quidquid diuinæ suæ perfectissimæque
voluntati placuerit. Evidem pridem ad Reuerendissimam dominationem
vettram perlata fuerit vniuersalis consolatio atque lætitia spiritualis, quam
Sancta Iedea, à Patre Misericordiarum & Deo totius consolationis, intimis
percepit vñceribus ex hoc singulari dono; Quantum verò hæc minima So-
cetas haulerit, in dielque hauriat, qua tandem oratione explicari posset
ignoro.

Sine fine laudetur ab omnibus Creaturis suis Dominus noster *Iesus Chri-*
stus, qui tam aperte nobis commōstravit thesaurum gratiæ suæ & Charitatis,
tamque suavem detexit tamque potentem Prudentiæ suæ dispositionem in
hac Angliæ reconciliatione; & quando eius perfecta sunt opera dignetur cor-
roborare atque amplificare tam magnum beneficium vniuerlæ præstitum Ec-
clesiæ vt magis ac magis in dies cognitio & gloria eius Sanctissimi Nominis
propagetur, & pretiosissimus ille sanguis quem vñà cum vita obtulit eter-
no Patri cum effetu applicetur saluti animarum. Hoc possum affirmare,
nobis vñ Reuerendissimæ Dominationi vestræ addictissimis, atque omni
officiorum genere adstrictis, ingenti solatio fuisse, quod diuina sapientia

Ribad. I. 2.
Historia.
c. 22.

Admititur
in So-
cietaem
Angi com-
plures.

Litteræ Ig-
natij ad
Card.
Polum.

Ita tum ap-
pellaban-
tur qui
nunc di-
cuntur
emiuntis-
fiani.

Reue-

B 2